

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Icones sive imagines virorum literis illustrium

Reusner, Nikolaus

Argentorati, 1587

Ioasias Simlervs

[urn:nbn:de:bsz:31-271751](#)

IOSIAS SIMLERVS

Theologus.



Me docet Historicum simul, Astronomumq; fuisse
Patria, doctorem sed magis, alma, Dei.

M. D. LXXVI.

IOSIAS SIMLERVS HELVETIVS
Capellensis:

Elegantis homo ingenij, ac doctrinæ:
Mathematicus nobilis, Historicus excellens:
Quod tūm scripta eius, quibus patriam immor-
talitati conlectauit, tūm instrumenta ab eo

excogitata Astronomicate-
stificantur:

Sacrosanctæ Theologiae in scholâ Tigurinâ
Professor celebris:

Qui quanti non modò in docendo, sed & scri-
bendo, tūm acuminis, tūm iudicij fuerit, vete-
rum quoque Theologorum lectione confir-
mati, lucubrationes eius in omni doctrinæ ge-
nere in publicum editæ satis superq;
ostendunt:

Morbis cum duobus sœuiss. calculo nimirum,
& podagrā conflictatus acerbè, annis
aliquot prioribus:

Morte tandem obiit immaturâ, annum vix
agens XLV: die secundâ Iulij, anno Do-
mini M. D. LXXVI.

Y V

Amicis patruelioris, tum marius illi magis
is Q. annis, agerat hec etiam doct. etr. 2

IN IOSIAM SIMLERVM.

Theologum.

EPIGRAMMATA.

P. CANDIDI,

*Simleri quæ representat imagine vultum:
Afficit hæc oculos pulchra tabella tuos.
Si queat excellens animi quoque pingier illa
Gratia: nil oculi pulcrius aspicerent.*

THEOD. BEZAE.

*Simlere, mi Simlere, quo superflite
Tot mortui reuixerant;
Quos ira nobis numinis, tam pauculis
Ademit annis plurimos:
Simlere, quem tremuit renatus Arrius,
Tremuit renatus Eutyches,
Vastator ille Poloniae, hic Germania,
Læsi flagella numinis:
Heu subita & immatura te mors auferens
Quam multa tecum sustulit!
Lamenta amicis quanta, quot iustissimos
Secum dolores attulit!
Quos inter, ecce Beza quondam haud ultimus
His irrigat te lacrymis:
Beza repetito vulnera isto saucius,
Communis ad tumulum patris.*

PAV.